

DISPUTATIO  
DE  
PRAESCRIPTIONE CENTVM  
ANNORVM IN ACTIONIBVS  
ECCLESIAE ROM. DE IVRE CIV.

AUCTORITATE  
ILLVSTRIS ICTORVM ORDINIS  
VT ADITVM  
AD  
SVMMOS VTRIVSQUE IVRIS HONORES

APERIRET  
DISCEPTATIONI ERVDITORVM PVBL.

D. XXIV. SEPT. MDCCC.

PROPOSITA


A  
IOANNE AVGVSTO BACHIO

A. M. ET I. V. CAND.

---

L I P S I A E  
EX OFFICINA LANGENHEMIANA.







**D**iu multumque fuit inter Ictos, magna varietate, disceptatum hoc, num Ecclesia Romana adhuc beneficio uti possit eo, quod Iustinianus, Sacratissimus Imperator, concessit, ut rerum, iuriumue, quae habuisset, centum annos esset auctoritas. In quo quidem AVGVSTINOS, GOTHOFREDOS, GEFANIOS, RITTERSHVSIOS, aliosque Ictos doctissimos plerosque, si non omnes, in eam video propendere sententiam. ut hoc beneficium ab ipso auctore ereptum ei statuatur esse. Neque vero is sum, qui negem, Viros illos multum rationis atque auctoritatis adferre: in quibus etiam est is, quem omnes, in arte legitima, summum Virum, quem quidem posterior tulerit aetas, consentitur, IACOBVS CVIACIVS \*), qui ipsa propemodum auctoritate me frangit sua: Sed tamen existimo, non satis neque diligenter, neque acute in ista disputatione a Viris Eruditis actum esse. Mihi quidem diuersa sententia sedet, Romanamque Ecclesiam etiam nunc Iustiniano beneficio, iure suo, uti posse, doceri posse arbitror. Est hoc perpetuum crimen Ecclesiae Romanae, quod, eam sibi arrogare iura, quae non

A 2

accepe-

a) Obf. V, 5. et Opp. quae vius de Iure fecit, libro de diuersis temporum praescriptionibus C. XXXI. p. 733.

acceperit, aiunt; neque profecto quidem illud omnino falsum. Constat enim, quomodo, ad tuendam Romani agri, aliarumque regionum Italiae iniustam possessionem, auctores Ecclesiae Romanae ac defensores nunc Donationem Constantini Magni protulerint, explosam iam dudum satis et irrisam a Laur. Valla, nunc Donationes Caroli M. eiusque filii Ludouici Pii ediderint; denique etiam Ottonis M. litteras siue exhibuerint, siue consinxerint: et multa alia eiusmodi beneficia, lege quadam Caesarea sibi concessa, iactauerint. Itaque facile fuit fidem hominibus facere, etiam Ecclesiam Romanam, illud privilegium, a Iustiniano iam statim abrogatum, iniuria usurpare. Inde dudum a Viris doctissimis Ecclesia Romana de possessione huius Iustiniani beneficii, per vim et iniuriam, deiecta est: quam nos quidem interdicto, aut ex iure manum confertum, iustis vindiciis in sua possessione reponemus. Neque existimamus fore, ut aduersarii nobiscum iusto sacramento contendere audeant, aut diuturni temporis exceptione vantur, cum veritatis omnino sit aeterna auctoritas.

### §. I.

#### *Finitio Praescriptionis Centum annorum, et Ecclesiae Romanae.*

Est igitur propositum nobis hoc, ut Ecclesiae Romanae, ex Iure Ciuili, (Nam de Iure Canonico, id sine omni controuerfia obtinet, in eoque omnes consentiunt,) e Ciuili igitur Iure beneficium praescriptionis Centenariae adferamus. Iam primum, etsi initia omnis disputationis, ne erret aut vagetur, vinculis legitimaе definitionis adstringenda sunt; tamen vix opus esse videtur, definitionem Praescriptionis Centenariae tradere. Quis enim est, quin sciat, praescriptionem omnem nihil aliud esse, nisi exceptionem, qua repellatur is, qui, praeterlapsus aliquo tempore, rem insue aliquod, velut suum, vindicet, adeoque Centum annorum praescriptionem Ecclesiae Romanae in eo sitam, ut, Ecclesiam Romanam lege agentem, vel ius suum prosequentem, nemo temporis praeterlapsi exceptione possit excludere, nisi Centum annorum spatium praeterito. Ea autem locum habet tantum in iis causis, in quibus

in quibus alioqui triginta annorum praescriptio obtinet. v. NOV. CXI. et AVTH. *Quas actiones C. de SS. Eccles.* Ad ceteras causas, quibus alia praescriptio constituta est, non pertinet. Si quis autem quaerat, quam late pateat Ecclesia Romana ex sententia Iustiniani, is legat mihi NOVELLAM IX. Iustiniani, in qua id expressum reperiet, omnem Ecclesiam Occidentalem dici Ecclesiae Romanae nomine, a capite totius Ecclesiae Roma. Dicit enim Imperator IUSTINIANVS: *Habeat igitur sanctitas tua hanc legem catholicis totius occidentis ecclesiis profuturam, et in orientales partes propagandam, in quibus aliquid Sacrosanctae Ecclesiae possident.* Et ab initio dicit, *in vniuersas ecclesias catholicas, quae usque ad Oceanum fretum posita sunt, saluberrimae legis vigor extendatur.* In quibus definitionibus, si tamquam formula cecidisse videbor, subtilitatis neglectu; me, sicuti Romanos in lege agendo, si formula cecidissent, Praetor restituebat, sic aequitas Lectoris in integrum restituet.

## §. II.

*Vnde ducatur haec omnis disputatio.*

Hoc quasi lumine disputationi nostrae accenso, eo facilius nunc ad interiora penetrare nos posse arbitramur. Cum vero omnis de lure Ciuili disputatio definienda sit ex legibus; idem in hac proposita quaestione tum ii fecerunt, quorum sententiam nos frangere, in animo habemus, tum idem et nos ipsi faciendum nobis esse iudicamus. In quo quidem contra aduersarios ita pugnabimus, vt, ex qua ipsi pharetra depromserunt tela, ex eadem et nos, sed diuersa, sed contraria, sumamus. Est autem fundus totius quaestionis nostrae in L. XXIII. *C. de Sacros. Eccl.* et in NOV. IX. CXI. CXXXI. c. 6. Atque in hoc etiam consentiunt ii, qui nostrae sententiae aduersantur. In NOVELLA IX. quidem hoc beneficium Ecclesiae Romanae nominatim concessum reperimus. Quid igitur? Num res confecta est, aut causa perorata? Minime vero. Namque occurrunt nobis, qui iacent, hanc legem posterioribus constitutionibus sublatam. Itaque agendum hoc nobis erit, vt hanc sententiam rationibus refellamus. Ante vero quam id ingrediamur facere, quoniam in occasione

legis XXIII. C. de SS. Eccl. quaedam quasi semina defensionis nostrae latent, eam, auctoribus PROCOPIO <sup>b)</sup> ac SVIDA <sup>c)</sup> anteferendam ducimus; inprimis cum id ad interpretationem maximam vim habere soleat, nosse occasionem et causam legum, in eoque adprobando, exemplo summorum in nostra disciplina Virorum, CUIACII, GOTHOFREDORVM, GEFANII, SCHVLTINGII, NOODTII, aliorumque, vti possumus: Qui cum omnem Iurisprudentiam plane historicam, vti est, quicquid imperiti dicant, ita esse existimarent; ante omnia Legum, Iurisque historiam tractando, summa in interpretatione adiumenta repererunt.

### §. III.

#### *Historia et occasio Legis XXIII. Cod. de Sac. Sanct. eccl.*

Annus erat XXX. aut XL. ex quo Ecclesia Emesena Mamiani cuiusdam in illa ciuitate principis heres extiterat \*). Haec hereditas erat quidem iam ipsa lauta; tamen oeconomis Ecclesiae hoc lucro aduentitio contenti non erant, sed, vti semper propemodum quoquo modo augendarum opum cupidissima natio fuit, hi homines rem, cum legitimo modo non possent, fraudibus non dubitant ingredi. Erat tum ibi Priscus quidam, compositus homo ad fallendum, qui chirographa aliena optime imitari posset. Hunc hominem sibi comparant, qui instrumenta tabellionis cuiusdam, qui vixerat superstiti adhuc Mamiano, confingeret, in quibus esset scriptum, ingentes pecunias, a multis ciuitatis principibus, Mamiano deberi, atque adeo Ecclesiae, iure hereditario. Obstabat tamen petitioni praescriptio tricennii. Itaque fraudes fraudibus cumulant, pecuniis atque iacturis Imperatorem Iustinianum expugnant, dataque ei, vel Quaestoribus palatii, grandi summa, hanc legem extorquent, ne postea

b) Λεξικ. p. 123.

c) v. Πρίσκος Εμεσηνός.

\*) v. Procop. et Suid. loc. cit.

postea alia Ecclesiae nisi centum annorum praescriptione repelli possent. Quod factum est a Iustiniano primum in Orientalibus Ecclesiis per *L. XXIII. C. de SS. Eccl.* deinde per *NOV. IX.* in Romana, seu Occidentalibus. Sed postea, intellecta fraude, legem in Orientalibus prouinciis abrogauit per *NOV. CXI.* et *CXXXI.* eandem praescriptionem Ecclesiae Romanae relictam, uti postea videbimus.

#### §. IV.

##### *Confirmatur auctoritas Procopii.*

Iam vero quoniam intelligo multos esse, qui hanc Procopii narrationem non esse fide dignam dicant, inprimis cum ex libro Anecdotorum proferatur; etiam necesse est hanc minuere opinionem, et auctoritatem Procopii paucis stabilire. Omnino ei PROCOPII libro, qui inscribitur *Ανέκδοτα*, quem primus in lucem protulit ALEMANNVS, Vaticanae bibliothecae praefectus, a Viris Eruditissimis propemodum omnis fides abrogatur, propterea quod tradit multa Iustiniani Imperatoris, Theodoraque crimina ac scelera. Existimant enim, si ista scelera vera essent, indignum fore, tam scelesti hominis legibus tantum apud nos auctoritatis tribui. In quo illi similes videntur Imperatori Macrino, qui in animo habuisse dicitur omnia rescripta abolere, nefas esse, iactans, leges videri Commodi Caracallae aliorumque impurorum hominum voluntates. Quasi vero repugnet, principem improbum bonas etiam Leges scribere posse. Nonne etiam Iustinianus ipse Tiberii, Claudii, Neronis, Commodi Caracallae, Iuliani Apostatae, aliorumque similium improborum principum bonas Leges et rescripta in Corpus Iuris referri passus est? Quibus autem aduersus Procopium vtuntur argumentis, et rationibus, ea non sunt tanta, ut testimonia, et argumenta, quibus Alemannus vsus est ad fidem Procopii stabilendam, confirmandamque, conuellere aut labefactare possint. Neque ipse Eichelius, Procopii princeps aduersarius, par est eiusdem defensori Alemanno. Sed ut ad hanc ipsam de auaritia et pecuniae cupiditate Iustiniani, narrationem Procopii veniamus: PETRVS LVDOVICVS <sup>d)</sup> V. D. hanc

d) Vita Iustiniani p. 239. not. 192.

hanc totam fabellam nominat. Quis crederet, inquit, Iustinianum vnus lucelli causa conuersurum leges in vniuerso orbe? Fuerit ille avarus non certe erga Ecclesias, quibus largitus est manu tam larga per omnem vitam. Quis crederet, inquam, nisi res ipsa loqueretur, nisi tot testimonia declararent? Quis neget Iustinianum fuisse avarum, si etiam huius criminis coarguant testes eiusmodi, quos tamen non infensos fuisse Iustiniano concedant? EVAGRIVS quidem SCHOLASTICVS \*) ait: Ο Ιουστινιανός μὲν ἦν χρημάτων ἀπληστος, καὶ τῶν ἀλλοτρῶν ὅπως ἐκτόπως ἐραστής, ὡς καὶ τὸ ὑπῆκουον ἅπαν χρευσία πιπράσκειν τοῖς τε τὰς ἀρχαὶς ἐπιτροπένευσι, τοῖς τε τὰς φόρος ἐκλέγεσσι καὶ τοῖς ἔσσι ἀπ' ἡδεμίας αἰτίας ῥάπτειν ἐπιβελὰς τοῖς ἀνθρώποις ἐθέλει etc. Cum igitur satis vel hoc vno, ne plura adferamus, clare docuerimus, Iustinianum in administrando imperio largitiones non contempsisse; quid est, cur Procopio auctori non credamus, cum hominibus multas ipsi largitiones facientibus hoc tribuisse, vt beneficium Centum annorum Ecclesiis concederet; praesertim cum ipse talem fraudem subesse nesciret? Neque vero, si Iustinianus non fuit: non potuit Quaestor Tribonianus corruptus fuisse. Quis enim est, quin sciat, quam cupidus ille pecuniae fuerit, adeo vt etiam leges pretio fixerit atque refixerit, pretio, inquam, ab iis, quorum res agebatur, accepto; aut quis est, quin, si nesciat, credat ipsi PROCOPIO †), aut HARMENOPVLO ‡), Iuris Auctori, id clarissime confirman-  
tibus? Neque minus, vt iidem narrant, Praefectus Praetorio Ioannes avaritiae fuit deditus, et pecunia iustitiam flexit. Itaque vterque in summo odio habitus fuit ab vniuerso populo. Quae cum ita sint, nescio sane, quid videant ii, qui auctoritatem Procopio hac in re denegant, cui tamen in ceteris omnibus fidem habent, praeterquam, quod de Iustiniano in malam partem tradit. Itaque, si concesserimus, Iustinianum ipsum pecuniam capturum non fuisse; at cepisse tamen amicos ipsius, Comitesque, Quaestores, quorum in legibus

e) H. E. L. IV, 30. p. 405. ed. Vales.

f) Persic. p. 40. 41. ed. Augustan.

g) L. I. t. I. §. 10.



legibus et scribendis, et consultandis erat potestas, eosque Iustiniano, qui nimium propemodum faueret opibus Ecclesiarum, persuasisse, ut ediceret, ne postea ulla contra Ecclesiam, nisi centum annorum, praescriptio valeret, hoc verum esse non poterit?

## §. V.

*Narrationis Procopianae fides demonstratur ex clausula*  
*L. XXIII. C. de SS. Eccl.*

Praeterea magnam suspicionem mouet clausula legis <sup>h)</sup>, quae praecipit, ut haec lex etiam *ad lites pendentes pertineat*, sine dubio propterea, quod illa causa Emesenae Ecclesiae iam esset in iudicium deducta. Cum enim legis haec natura sit, ut futuris negociis formam dare soleat, *L. VII. C. de Legibus*: id omnino semper fere suspiciosum est, si lex in praeteritum tempus scribitur. Quid est, quo CICERO <sup>i)</sup> Verrum apertius atque manifestius arguit, nisi hoc, quod edictum ad praeteritum tempus retulit? *In nulla lege, inquit, praeteritum tempus reprehenditur, nisi eius rei, quae sua sponte scelerata ac nefaria est, ut, etiamsi lex non esset, magnopere vitanda fuerit. Atque in his rebus multa videmus ita sancta esse legibus, ut ante facta in iudicium non vocentur. Cornelia testamentaria, numaria, ceterae complures: in quibus non ius nouum aliquod populo constituitur, sed sancitur, ut, quod semper malum facinus fuerit, eius quaestio ad populum pertineat ex certo tempore. De Iure vero Ciuili si quis noui quid instituit, is omnia, quae ante acta sunt, rata esse patitur. Cedo mihi Leges Atinias, Furias, Fusias, ipsam Voconiam, omnes praeterea de Iure Ciuili; hoc reperiēs in omnibus statui ius, quo post eam legem populus viatur. Quid multa? De iure priuato leges futurum tempus respicere debent: nemini ius suum, iam ante legem istam recte quaesitum, auferri fas est: sin autem: aut gratiae, aut odii, aut alicuius cupiditatis causa legem compositam esse, suspicio existit.* V. IAC. GOTHOFRED. *Comm. Cod. Theod.*

p. 10.

h) L. XXIII. C. de SS. Eccl.

i) Verr. I, 42.

p. 10. T. I. ed. Ritteri V. C. nosque ipsos in *Commentario de Legibus Traiani* p. 57. sq.

### §. VI.

*Regulae ponuntur, ad quas disputatio dirigatur.*

Perfectum est hoc, ne quis de veritate Procopianae narrationis dubitet. Nunc igitur ad rem propositam reuertamur. Primum utemur argumentis ex ipsa Legum Constitutionumque Nouellarum forma petitis: deinde aliis etiam auctoritatibus et rationibus sententiam nostram confirmabimus. Postremo autem, quae contra nos erunt dubitationes, refutare conabimur. In quo arbitramur nos felicius posse procedere, si quasdam quasi leges constituamus ac regulas, ad quas nostram disputationem dirigamus. Prima esto haec: *Quae lex non est abrogata, ea adhuc valet.* Siue ut verbis legum loquar: *Quod non mutatur, cur stare prohibetur<sup>1)</sup>*? quod dictum in vna re testamentaria, patet latius, et transferri in multas res potest. Altera lex esto haec: *Ad quam prouincia non fertur ac dirigitur aliqua Lex, quaeue prouincia non est comprehensa Constitutione, eam non tenet.* Hanc Legem ne ipsi nullo iure rogasse videamur, auctores dabimus Imperatorem TRAIANVM, PLINIVM que. Nam Plinius quidem ep. X, 71. ad Imperatorem refert, cum quaesitum esset, an danda esset adfertio eorum, quos *Ογενής* vocarent, de iis se audiuisse quidem Constitutiones principum: *sed, quia nihil inueniebam, inquit, aut proprium, aut vniuersale, quod ad Bithynos ferretur, consulendum te existimaui, quid obseruari velles.* Commemorat deinde Rescripta et Constitutiones principum, sed quae ad singulas tantum prouincias pertinerent. Huic epistolae TRAIANVS respondet ep. 12. *Nec quidquam inuenitur in commentariis eorum principum, qui ante me fuerunt, quod ad omnes prouincias sit constitutum. Epistolae sane sunt Domitiani - - sed inter eas prouincias, de quibus rescripsit, non est Bithynia: et ideo nec etc.* Neminem itaque arbitramur fore, qui legem istam a nobis rogatam non sit iussurus: cum inprimis ad interpretationem Codicis sit vtilissima. Nam eius obser-

1) L. XI. C. de testam.

obseruatione multae *artiumque*, vt dicuntur, facili negotio tolli possunt. Neque vero est, quod existimet quis, quia in Codicem relatae sine Constitutiones, capropter omnes esse vniuersales factas. Vt autem intelligi possit, quam prouinciam, aut praefecturam praetorianam, aut denique Imperii partem, Orientem, an Occidentem, spectet Lex aliqua, diligenter obseruandae, atque circumspectiendae sunt Legum Inscriptiones, ac Subscriptiones, quas profecto nec IVSTINIANVS, nec THEODOSIVS frustra iussit tam diligenter adiici. Et quanquam Inscriptionum Subscriptionumque multae aliae sunt ad interpretationem vtilitates, ac tantae quidem, vt IAC. GOTHOFREDVS, Summus Iuris interpres, nulla fere alia, nisi hac luce obscurissimas Leges collustrarit in Commentario Codicis Theodosiani, vtque adeo iure meritoque ille harum vsum in *mysteriorum arcanorumque* numero reposuerit: tamen haec, quam proposuimus, non est minima: Sed non attinet plura hic ea de re disputare: qui desiderauerit ampliora, eum ad IAC. GOTHOFREDI *Discurs. Histor. ad Leg. Quisquis c. III.* qui deinde in Codicis Theodosiani Commentarium relatus est, et ad eiusdem *Prolegomena Cod. Theod. c. VIII. et IX.* ablegamus: cui quidem rei fidem denegare, et ad sensum velle, eius esse putamus, qui nihil videat.

## §. VII.

*Praescriptionem C. ann. non esse Ecclesiae R. abrogatam per Nouell. CXI. et CXXXI. docetur ex inscriptionibus earum.*

Iam igitur nemo fere negat, vti iam supra ostendimus, hanc Centenariam Praescriptionem datam esse Ecclesiae Romanae per NOV. IX. vti Orientalibus fuerat concessa *lege XXIII. Cod. de SS. Eccl.* Sed adfirmant omnes abrogatam esse ab eodem Iustiniano. Quomodo? Si factum hoc est; per NOV. CXI. et CXXXI. factum esse oportebit. Id autem statui non debere, nunc, translata ad vsum regula supra proposita, ostendam. Concedo primum, creptum hoc priuilegium Ecclesiis Orientalibus per CXI. et CXXXI. NOVELLAS. Nego autem, Romanae. Inscripta enim illa est *Theodosio Orientalium Praetoriumum Prae-*

*fecto*, data *Cof. Basilio* a. Ch. 1535. haec autem *Petro Praefecto Praetorio Orientis*: quo autem *Cof.* quoue anno data sit haec *Nouella*, cum libri editi videantur in subscriptione vitiosi, postea dicam. In vtraque additur haec cautio, vt curent *Praefecti Praetoriorum*, ad quos datae sunt *Nouellae*, eas ad omnium notitiam peruenire. Nunc vero, non potest aliquis legem aliquam promulgare, nisi in ea prouincia, cui praest. Itaque cum Italia et cetera Romana Ecclesia non paruerit *Praefectis Praetoriorum Orientis*, ab his etiam non potuit illa ad legem hanc seruandam adigi. Paruit Occidentis aliis magistratibus, qui non suberant imperio *Praefectorum Orientis*. Quod vidit profecto ipse *IUSTINIANVS*, qui cum iam Orientalibus dedisset priuilegium *L. XXIII. Cod. de SS. Eccl.* necesse tamen existimauit, etiam singulari aliqua Constitutione Ecclesiae Romanae tribui. Nam misit *Nouellam IX. ad Ioannem Archiepiscopum veteris Romae*, eique hoc beneficium concessit, et quidem Latina solummodo lingua, in qua etiam nunc hodie tantummodo scripta *Nouella* haec extat. Quemadmodum igitur *Iustinianus* sanctione peculiari Ecclesiae Romanae hoc priuilegium concedendum duxit; ita sine dubio etiam abrogandum censuisset. Id adeo necessarium erat, cum tunc temporis Roma propemodum tota iam esset separata, nisi in quantum ipsi libitum esset, certe inter partes Imperatoris, et Gothorum Regum officia, esset diuisa, neque in Italia esset aliquis magistratus Imperatoris, cui promulgatio demandari posset. Iam quamuis hoc argumentum, quo vsi sumus, grauissimum esse debeat apud eos, qui vim eius capere possint, adeoque eo solo defungi possimus: tamen liberaliter agemus, et alia non minus magna adferemus, quibus efficiatur, Ecclesiae Romanae id beneficium *Iustiniani* non fuisse ademptum.

### §. VIII.

*Quaedam obseruationes de L. XXIII. C. de SS. Eccl.  
Nou. IX. et CXI. et CXXXI.*

Antequam vero facimus id, quod ostendimus, non alienum erit, quasdam de hisce Legibus et *Nouellis*, quibus praescriptio

scriptio Centum annorum, et constituta et abrogata dicitur, obseruatiunculas proponere, quas quidem nec inutiles, nec iniucundas Lectoribus nostris, fore putamus. *L. XXIII. C. de SS. Eccles.* scripta est ad *Iulianum P. P. Iustiniano P. P. A. Cos.* quemadmodum inscriptio subscriptioque indicat. Certum mihi uidetur Iustiniani Consulatus secundus intelligendus esse, efficiturque, vt scripta sit *anno Chr. 10xxviii.* quo Iustinianus propter initia imperii, de more, Consulatum sumsit: recteque adeo numerus *a. Chr. 10xxviii.* in editionibus Codicis adscriptus. Neque enim puto, capiendam eam subscriptionem de alio *Consulatu* Iustiniani, quia in eo titulo sequitur *Lex Lampadio et Oreste Cos.* data. Ceterum credibile est, Nouellam IX. cuius subscriptio est: *Belisario Cos.* hoc est, *anno Chr. 10xxxv.* quo anno Iustinianus Decennalia imperii Caesarei celebrauit: v. PAG. *Crit. Baron. ad h. a.* (Nam eo anno propter Africanum triumphum Belisario datum esse Consulatum tradit PROCOPIVS de *B. Vandal. II. p. 134. ed. Hoefchel.*) Nouellam IX. igitur eo anno editam esse: vt, quia immineret bellum cum Gothis in Italia, Romanam Ecclesiam sibi conciliaret Imp. Iam quod ad Nouellam CXI. attinet, eam, non est dubium, anno 10xxxxi. quo Iustiniani Quindecennalia incidunt v. PAGI *Crit. Baron. ad h. a.* Consule *Basilio*, V. C. vti edit subscriptio; promulgata. Nec de NOV. CXXXI. inscriptione magna dubitatio locum habet: quae est huiusmodi: *Petro gloriosissimo Praefecto Sacrorum Praetorium.* Eum enim in Oriente Praefectum Praetorio fuisse docet Nouellarum CXIX. CXX. inscriptio. At maior est difficultas in subscriptione NOV. CXXXI. Nam ea in editis libris plerisque sic habet: *Dat. XV. Kal. April. Constantin. P. P. A. Basil. V. C. Cos.* LEWENIVS edidit: *Dat. XV. Kal. April. Constantinop. DN. Iustinian. P. P. Aug. Basilio V. C. Consule:* Atque hanc subscriptionem secutus est etiam PAGIVS *Crit. Bar. ad a. Chr. 541.* quae falsissima est. Itaque melior est subscriptio aliorum librorum, qui, addito asterisco, declarant subscriptionem esse mutilam. Adiciendum sine dubio *Post Consulatum Basilii.* Cum enim post *Basilium Cos.* nemo priuatorum amplius Consulatum adeptus sit v. PAGI *Diff. Hypat. P. II. c. ult. §. V.* anni post Consulatum eius

adnotari solebant. Quotus autem annus sit addendus, reperisse videor ex IULIANI *Epitome Nouellarum*. Nam ille huius Nouellae subscriptionem ita edit: *Dat. XI. Kal. April. DN. Iustin. P. P. A. Ann. XVIII. Post Basilii V. C. Cos. Ann. IIII. v. eius Nou. CXIX. p. 184. ed. Pitboe. Basileens. ao. 1576. fol.* Incidit hic in annum Chr. 1035. Sequenda itaque sine dubio est scriptura IULIANI, ex eoque emendanda subscriptio editorum librorum omnium.

## §. IX.

*Ecclesiae Rom. praescriptionem ademptam non esse, demonstratur ex Auth. Quas Actiones C. de SS. Eccl. simulque de Authenticis vniuerse agitur.*

Sed reuertatur eo, vnde digressa est disputatio. Propositum diximus nobis esse, aliis argumentis demonstrare, Praescriptionem Centum annorum Ecclesiae Romanae non esse ademptam, atque adeo iure meritoque ei vindicari. In quo eandem, quam supra tenui viam, sequar: vt aliquam tamquam normam ponam, ad quam rationes meas dirigens, errare facile non possim. Est autem haec: *In omni de duabus legibus contrariis disputatione, si quis velit ostendere, vnā altera non esse sublatam, in eo adhibenda esse scriptorum testimonia eorum, qui, quā lege abrogari altera dicitur, post paullo eam latam scripsere; quibus testimoniis dicant, aut significant, suo tempore adhuc eam, quā de controuersia est, legem in usu atque auctoritate fuisse versatam.* Atque in eo primam fidem facit AUTHENTICA *Quas Actiones Cod. de SS. Eccl.* quae quidem disertis verbis edicit: *Sola Romana Ecclesia gaudente Centum annorum praescriptione.* Igitur cum dicit, solam Ecclesiam Romanam eo beneficio vti, necessario intelligitur, alias exclusas fuisse: id quod factum est Nouellis CXI. et CXXXI. Quo argumento cum vtar, tamen vnusquisque facile, etiam me non monente, intelliget, me Authenticas non pro legibus agnoscere: immo vero quibusdam earum pro testimoniis historicis

istoricis vtendum cenſeo, iis nimirum, quarum antiquitas poſſit liquido doceri. Verum ne quis huius Authenticæ auctoritatē reiciat, is habeto, eam ab Irnerio factam eſſe non videri, ſed eſſe ſine dubio ætati Iuſtinianæ ſatis propinquam, poſteriorem tamen Nouellis CXI. et CXXXI. quibus quidem ſublata creditur omnis præſcriptionis centenariæ auctoritas. In quo quidem duo oſtendenda ſunt: primum, IRNERIVM non omnium Authenticarum fuiſſe auctorem: deinde quasdam Authenticas ſatis antiquas eſſe, æuoque Iuſtiniano fere ſuppares. Ac primo quidem Irnerium non omnes compoſuiſſe, argumento eſt hoc, quod in GLOSSIS ad Authenticas ſæpenumero reperimus: *Sumſit Irnerius ex illo libro*, vel ſimilem aliquam formulam. Deinde plura ſunt loca veterum Gloſſatorum, quæ, alios etiam viros præter Irnerium in conficiendis Authenticis elaboraſſe, teſtantur. Vnum alterumue ſatis erit commemorariſſe. IOANNES <sup>1)</sup>: *in ſumma nota*, inquit, *quod ex hac conſtitutione quidam habent in Cod. in tit. præd. ſuper L. præd. SACRI ADFATVS, vel ſuper L. fin. authent. quæ ſic incipit: GLORIOSSIMI QVOQVE etc.* Sic et AZO memorat <sup>m)</sup>: *Habent hic quidam authenticam: SED CVRIALES <sup>n)</sup>*. Denique quod huc inprimis facit, idem AZO <sup>o)</sup>: *Quidam habent ita conſequenter*, ait, *in authentica: SOLA ECCLESIA ROMANA*. In quibus cum ſemper Gloſſatores dicant: *Quidam habent*, et ſimilibus formulis vtantur, quid aliud, quam innunt, multos alios, præter Irnerium, operam faciendis Authenticis dediſſe? Vt adeo IRNERIVS plerarumque tantum compilator eſſe videatur, qui eas aut ex vetuſtis et Iuſtiniano haud multo recentioribus Iuris auctoribus, aut ex recentiorum ICTORUM libris excerptas collectasque, ſuis quamque locis ſubiunxerit. De priori vidimus: Quis vero mihi erit auctor, eſſe inter Authenticas etiam quaſdam, quæ ad Iuſtinia-

1) in Summ. ad Coll. VIII. Conſtitut. 10. ſeu ad Nouell. CXIV.

m) Comment. ad L. Quoniam. penult. Cod. de hæret.

n) *Quidam non libri, ſ. Codd., ſed homines. Id intelligitur ex iis, vbi libri intelligi non poſſunt. v. c. Gloſſa ad eand. L. ad fin. Signant biſ quidem talem authenticam, ſed bodie etc.* Sic interdum: *ponunt quidam authenticam.*

o) in eod. Comm. ad Tit. Cod. de SS. Eccl. n. 74. in Auth. Quas Actiones.

Iustiniani aeuum prope accedant, aut satis tamen antiquae sint? Hac in causa testimonium denuncio GREGORIO M. Pontifici Romano, qui, vix triginta annis post Iustiniani mortem, Romanae Ecclesiae praefuit. Is vero ad verbum recitat *Authenticam*: *Presbyteros et Diaconos C. de Episcop. et Cleric. p)*. *Ne vero obiciatur, inquit, quia de Clerico hoc loquitur, non de presbytero; sciendum est, quia superius in eadem constitutione LIB. COD. I. legitur adpellatione clericorum etiam presbyteros ac diaconos contineri. Verba autem legis ista sunt: PRESBYTEROS AVTEM ET DIACONOS ET SVBDIACONOS, CANTORES, ET LECTORES, QVOS OMNES CLERICOS ADPELLAMVS etc.* Qui locus etiam illatus est in *Corpus Iuris Canonici q)*. Quamquam equidem hoc argumentum pertinaciter tenere nolim, qui sciam, BYNCKERSHOECKIVM *Exerc. de Auctor. Authent. c. VI.* existimare, verba illa: *Lib. I. Cod. notam marginalem fuisse, in textum deinde irrepsisse: Nam quod dicit superius, et in eadem Constitutione, non ad Authenticam referri, sed ad ipsam Nouellam debet. Huc accedit etiam, quod vox autem in Nouella quidem reperitur: non vero in Authentica. Porro Codices scripti etiam in verbis Lib. I. Cod. variant. v. P. LVDOVICVS Vita Iustin. c. VIII. §. 46. p. 259. sq. in not.* Atque profecto hac Gregorii M. auctoritate, carere possumus. Nam saepenumero Glossae notant ipsae, antiquas quasdam Authenticas fuisse. Quam in rem audiat mihi quis vel hoc solum Scholium r): *Antiqui minus in littera habent huius Authenticae, quam moderni. Alexander non minus s)* veteres Authenticas a recentioribus distinguit: *Sed ita tenetur quis, si constituendo personaliter de se promittat: alioquin impersonaliter loquendo non obligatur. Ita, subiicit, imperfecte ponebatur SECVNDVM VETERES. Sed dominus meus posuit plenius sic Auth. Si quando aliquis pro se.* Cum igitur ostenderimus antiquiores Irnerio extitisse Authenticas; nemo facile negabit, eam quoque, a qua omnis sermo defluxit, antiquam esse

p) Lib. XI. epist. 50. et 56. seu XIII. ep. 45.

q) c. 38. caus. XI. Qu. I.

r) ad princip. *Authent.* Qua in prouincia. C. ubi de crim. agat.

s) Comment. Azon. ad Cod. Lib. I. de constit. pecun. in *Auth.* Si quando.



esse posse? Sed ita reuera esse, argumentis quibusdam confirmabimus. Iam supra recensuimus Glossam AZONIS <sup>1)</sup>, vbi, *quidam habent, dicit, ita consequenter in authentica: SOLA ECCLESIA ROMANA etc.* Quod quid est aliud, quam argumentum, antiquos iam hac Authentica, quae superest, vfos fuisse? Idem etiam potest quodammodo subindicatum videri in eiusdem AZONIS aliqua notula <sup>2)</sup>: vbi referuntur variae eius Authenticae lectiones: *ex multis et omnibus fere libris ANTIQVIS.* Huc etiam refero, quod idem Commentator <sup>3)</sup> *tractam esse Auth.* Quas Actiones ex aliis duabus testatur. Scilicet iam olim tractam esse oportet ex duabus aliis antiquis, propterea quod non commemorat, quis auctor fuerit, quod signum est, ignoratum tum fuisse eum, qui ex duabus Authenticis composuerit vnā. Antiquitas autem huius, de qua loquimur, Authenticae certius et clarius adparebit ex iis, quae paullo post de fragmento IULIANI Antecessoris C. Politiani sumus in medium prolaturi. vid. omnino BYNCKERSHOEK. *Exercit. de Authent. auctor.* cui nos Glossatorum loca debere ingenue fatemur. Si itaque AVTH. Quas Actiones C. de SS. Eccl. antiqua est, et Iustiniani temporibus non nimis remota, quod speramus effectum a nobis iam esse; inde fit, vt veteres post Iustinianum I Cti, Ecclesiae Romanae praescriptionem Centum annorum ademtā a Iustiniano non fuisse, existimarint.

## §. X.

*Idem ostenditur ex Synopsi Basilicorum.*

Quae argumentatio, si quis erit, cui non satis grauis videatur, ei magnum hoc ac firmum argumentum, quo iam vtar, videatur necesse est. Neque enim video, quomodo quis reprehendere possit testimonium SYNOPSEOS Basilicorum, quae meam sententiam clarissime atque manifestissime tuctur.

r) Comment. ad tit. C. de SS. Eccl. n. 74 in Auth. Quas actiones.

u) ibid. n. 74.

x) in eod. Comment. ibid.

tuetur. Habet autem haec γ): *Ανάγνωθι καὶ τὰ βιβλία τάδε τῆλ. α. κεφαλ. 15. καὶ λε. καὶ λς. καὶ μγ. καὶ κεφαλ. 3. ἐν ᾧ φησὶ περὶ τῆς ἐκκλησίας Ρώμης τὴν ἔχειν αὐτὴν τῶν 9. χρόνων παραγχαφὴν. Lege etiam huius libri tit. l. c. 16. et 35. et 36. et 43. cap. 9. in quo dicitur, Ecclesiam Romanam habere Centum annorum praescriptionem. Dicit autem ἔχειν habere, non habuisse.*

### §. XI.

#### *Confirmatur ex Iuliani Antecessoris Dictato.*

Est hoc argumentum ac testimonium tanta vi, ut vix credam fore, qui ei non cedat. Verum tamen, quoniam praevidei futuros esse nonnullos, adhuc pertinaciter repugnantes, quemadmodum Romani extremae necessitati ac decertationi, ubi res prima acie decerni non potuerat, fortissimos quosque atque exercitatissimos servare solebant: ita ego quoque mihi faciendum esse duxi, ut triarium firmissimum novae impressioni reservarem. Est autem is IULIANVS, Legum Interpres, atque Antecessor Iuris Constantinopolitanus eruditissimus, qui ipsius Iustiniani tempore vixit, antiquus adeo, idoneusque auctor ac testis, quem reiicere nemo possit. Is igitur <sup>2</sup>): *Non lateat vero te, dicit, quod Ecclesiis quadraginta annorum praescriptio opponitur, ut caveatur Constitutione circa centesimam Nouellarum posita: Ecclesiae autem Romanae Centum annorum praescriptio obiicitur, ut est relatum in LIB. I. COD. TIT. DE REBUS ECCLESIASTICIS, constitutione principis nostri.* Quo fragmento quid potest esse insignius, quid disertius ac denique egregium magis? Nonne enim, quae supra disputauimus, confirmat omnia? Primo enim docet, iam suo tempore aliquam Authenticam in *lib. I. Cod. tit. de rebus eccles.* relatum fuisse, qua, Ecclesiam Romanam praescriptione Centum annorum

γ) Lib. II. tit. III. c. I.

<sup>2</sup>) p. 63. in fragmento, quod Pithoeus primus in lucem edidit, subiunctum *Collationi Legis Mosuicae*, quodque inscribitur: *Iuliani Antecess. Dictatum de Consiliariis*. Edita est ea Collatio Luteriae a. 1573. 4. ex officina Rob. Stephani. In ea etiam reperitur eiusd. *Iuliani Antecess. Collectio de tutoribus it. Iustiniani Nouellae Constitutiones III. Lo-*cus laud. est in ed. Basil. *Iuliani* p. m. 206.

rum excludi, traderetur. Dicit enim, *Ecclesiae Romanae Centum annorum praescriptio obiicitur, ut est relatum in lib. I. Cod. tit. de reb. eccles.* Et quis dubitet, ICTOS statim eo tempore, quo Iustinianus Nouellas, contrarias quibusdam Constitutionibus Codicis, promulgasset, suae memoriae utilitatisque causa, instituisse argumentum Nouellarum iis, quibus derogarent, constitutionibus, subiungere? Deinde hic locus Iuliani ostendit, quamvis NOVELLAE CXI. et CXXXI. prodissent, e quibus quadragenaria praescriptione Ecclesiae repelluntur: tamen Romanam Ecclesiam suum privilegium Centum annorum saluum atque integrum retinuisse. Id significat, cum tradit: *Ecclesiis quadraginta annorum praescriptio opponitur, ut cauetur in constitutione circa Centesimam Nouellarum posita: Ecclesiae autem Romanae Centum annorum praescriptio obiicitur.* In quibus quis est, quin videat, separari Ecclesiam Romanam a ceteris: his quadragenariam, illi centenariam obiici? Neque adeo quisquam dicere potest, Iulianum respicere ad tempus illud, quo illa praescriptio per *L. XXIII. C. de SS. Eccles.* omnibus Ecclesiis condonata fuerit, adeoque etiam Romanae: cum diserte opponat utrasque Ecclesias, et duplicem praescriptionem Ecclesiasticam memoret. Denique ex eodem cognoscimus, cum ista scriberet IULIANVS, Imperatorem Iustinianum adhuc vixisse: quoniam dicit: *constitutione principis nostri.* Quae res eo magis nostram rationem iuuat, quod Iulianus Ecclesiae Romanae Centenariam praescriptionem agnoscit, scribens viuentis adhuc Iustiniano, et post legum *Nou. CXI. et CXXXI.* promulgationem, quibus abrogatam esse contendunt. Scio equidem, huic Iuliani auctoritati opponi posse ipsum IULIANVM, qui in *Epitome Nouellarum ad Nou. VII.* contrariam sententiam defendere videatur. Sed de eo postea videbimus, cum, quae dubitationes aduersus sententiam nostram adferri possunt, iis refutandis minuendisque operam dabimus.

## §. XII.

*Argumentum ducitur ex Edicto Iustiniani, cuius initium est: Pro Petitione Vigili: et ex collectione Nouellarum a Iustiniano ipso facta.*

Iam porro si principis est, priuilegia sua, quousque patere debeant, explicare, eaque confirmare: hoc quoque in loco Iustinianus, Imperator Sacratissimus, priuilegium Sedi Romanae datum confirmasse mihi quidem videtur. In Iuliani enim Antecessoris, de quo paullo ante locuti sumus, Epitome reperitur *Pragmatica Sanctio* IUSTINIANI, in Italiam missa, cuius initium est: *Pro petitione Vigili:* in qua Sanctioe pragmatica c. I. confirmat omnia priuilegia, ab Athalarico Rege, Amalasuntha, vel Theodahato Romanis concessa: et inter ea quoque edicit: *Sed et ea, quae a nobis, vel a pia memoriae Theodora Augusta quondam coniuge nostra conlata sunt, volumus illibata seruare.* Quis vero dubitet, cum ea, quae ipse concessisset, confirmet omnia, an in iis priuilegium quoque Centum annorum ab eodem ipsis donatum comprehensum intelligatur. Denique, cum paullo post Iustinianum, forte etiam eo uiuo, Collectio Nouellarum facta sit, quod erudite demonstrauit IO. DAN. RITTERVS Vir Celeberrimus, ad *Heinecc. Histor. Iur. I.* 397. qua hodiernum fortasse utimur: quis credat Nouellas istas in eo Corpore relictas fuisse, si contrariae fuissent, et prior posterioris auctoritate abrogata?

## §. XIII.

*Causae, quare ceteris Ecclesiis priuilegium C. ann. ademptum, Soli Eccl. Rom. relictum.*

At dicat aliquis, quae causa fuit, quare Iustinianus, quam abrogaret praescriptionem in actionibus Ecclesiarum Orientis, causis Ecclesiae Romanae relinqueret? Intelligo, quid dicatur: Nempe causam abrogatae huius praescriptionis vniuersalem esse, et non minus in Romanam, quam Orientales Ecclesias conuenire. Est sane hoc aliquid: fateor. Nam in *NOV. CXI. praefat.* *Dudum siquidem iusseramus, inquit, ad centum illis annos exceptionis propagari curricula, per cuius licentiam*

tiam sanctionis negotia quidem multa commota sunt, et velut antiquorum vulnerum obductae patuerunt iterum cicatrices: sed eorum sanitas prouenire non potuit, probationum scilicet difficultatibus impedita: quoniam per tantum saeculi magis quam temporis spatium, nec documentis integritas, nec actis fides, nec aetas valeat testibus suffragari. Quid igitur? Nonne etiam in Occidentis prouinciis eadem vulnera, eadem cicatrices tempore diuturno iam obductae recrudescere potuerunt? Potuerunt sane. Sed si historiam supra traditam, auctoritate Procopii, memoria repetimus, maxime probabile est, Iustinianum, iis verbis spectasse actiones, quas Ecclesia Emesena aduersus complures Ciuitatis principes habere dicebatur, quarumque dies iam exierat. Has, cum beneficio Legis XXIII. C. de SS. Eccles. exercerent antistites Ecclesiae Emesenae, fieri non potuit, quin multae exinde lites et controuersiae, multae turbae existerent. Huc accedit, quod precibus Emesenorum seu largitionibus potius eam Legem condonauerat, cuius pudore suffundi necesse erat. Qua re commotus, iusta sanctione Edictum illud reuocauit. At hoc minime conuenit in illam Nouellam, qua Ecclesiae Romanae idem beneficium tribuit. Non enim precibus exoratus, non largitionibus expugnatus, sed sua sponte, beneuolentia, siue etiam gratiae Episcopi Romani captandae causa, istam Nouellam edidit. Quare etiam statim ab initio ait: *Vt legum originem anterior Roma sortita est, ita et summi pontificatus apicem apud eam esse, nemo est, qui dubitet. Vnde et nos necessarium duximus patriam legum, fontem sacerdotii speciali nostri numinis lege illustrare*, et infra: *Quod igitur nostra aeternitas ad omnipotentis Dei honorem, venerandae sedis summi Apostoli Petri dedicauit*, cetera. Epilogus autem ita habet: *Sanctitas itaque tua praesentem nostrae mansuetudinis legem piissimam, siue sacrosanctam oblationem, quam Deo dedicamus, accipiens intra sacratissima vasa reponat: et a nobis seruandam, et omnes ecclesiasticas possessiones seruaturam*. Ex quibus verbis satis clarum esse arbitror in NOV. IX. proprium priuilegium Ecclesiae Romanae contineri. Huc accedit, quod ea NOV. IX. Decennialibus Iustiniani data est: quibus festis Impp. solebant, praeter alia, Ecclesiis priuilegia tribuere, vt docet

PAGIVS *Diff. Hypat. p. m. 109. fgg.* Causa itaque non eadem erat auferendi huius beneficii Ecclesiae Romanae, quae erat in Oriente. Immo vero Imperator multas graues causas habebat, quare Ecclesiae Romanae idem serualet, quod adimebat aliis. Nam cum, quo tempore NOVELLA CXI. prodierat, maximum Iustiniano bellum instaret cum Gothis in Italia, expediebat Episcopum Clericosque Romanos omni studio complecti, ac fouere, qui magnum momentum ad exitum belli facere possent. Quam male sibi Imperator consulisset, si in ista necessitate Episcopum Romanum offenderet, et tam luculento beneficio rursus erepto, totum a se abalienasset? Itaque causa, quare praescriptionem Romanae Ecclesiae eriperet, nulla erat, at, quare relinqueret, permagna.

#### §. XIV.

#### *Dubitationes refelluntur, prima ex Iuliani Nouellarum Epitome.*

Iam cum aciem nostram instructam satis firmasse videamur, restat tertium, ut aduersarias copias frangamus. Ac primum, qui in nostris praesidiis supra positus est *Iulianus* Antecessor, proderet nos aduersariis videtur. Qui ne detrimentum rei nostrae adferat, est etiam atque etiam prouidendum. Is in *Epitome Nouellarum* eo loco, quo de Nou. IX. exponit, quae est in ea Epitome octaua p. 19. ed. Pithoe. *Praesens constitutio, inquit, quae Consulatu Belisarii Kal. Maii data est, iubet quidem sacratissimam Ecclesiam Romae Centum annorum praescriptione solam in suis actionibus remoueri. Nihil autem de ea latius exponimus, quia innouata est alia constitutione, quae data est IX. Kal. Maii Belisario V. C. Consule.* In quibus cum dicat, *innouatam esse nov. IX. alia constitutione*, nonne nos impugnat? Quid est igitur? Nondum metuo. Nam locum corruptum esse, arguunt verba: *quae data est IX. Kal. Maii Belisario V. C. Consule.* Quomodo constitutio, quae est prior, IX. Kal. Maii edita, innouare potest constitutionem posteriorem, ipsis *Kal. Maiis* eodem anno sanctam? Neque vero vlla constitutio reperitur IX. Kal. Maii data Belisario Consule. Porro cum tradit SOLAM Ecclesiam

clesiam Romae praescriptione Centum annorum remoueri, necesse est, vt ceteras ecclesias ea non excludi, significet. Qua quidem re efficitur, vt aut magis nostram sententiam iuuet, atque confirmet, aut certe nobis tamquam aduersarius opponi nullo modo possit.

### §. XV.

#### *Altera ex Brachylogo Iuris Ciuilis.*

Alius nobis aduersarius occurrit BRACHYLOGVS omnis *Iuris Ciuilis*, qui *Lib. I. cap. XI. de praescriptionibus XXX. vel XL. annorum* scribit: *Si quis rem alienam bona fide, seu sciens alienam, titulo, vel sine titulo, per iuge tricennium sine aliqua legali interpellatione, pro sua possederit: aduersus petentem quemlibet, nisi sit venerabilis domus, vel fiscus, iusta se praescriptione defendet. Illae enim personae (h. e. venerabilis domus, vel fiscus) non nisi XL. annorum praescriptione remouentur.* Huic dubitationi duplici via occurri potest. Primum, auctor huius libri Graecus fuisse videtur, quemadmodum scribendi genus ad Graecum sermonem effectum satis declarat, docetque etiam ipse libri index Graecus: adeoque quae de praescriptione Ecclesiis opponenda dicit, ea ad Orientales Ecclesias pertinere debebunt. Si quis autem hac aduersus nos ratione utatur, quod doceat *III. SENCKENBERGIUS praefat. Brachylogi, Codices manu scriptos eius in Gallia inuentos esse, adiunctis PAVLLI, VLPiani, CAII libris; eum in Occidente, et quidem in Gallia floruisse oportere: tamen ne sic quidem causam nos perdituros esse arbitramur. Concedamus in Gallia vixisse. At in Gallia Iustiniani leges non fuerunt receptae. Deinde eum non ad NOV. CXI. verbis supra positis respexisse, sed potius ad Legem ANASTASII, quae est in L. ult. C. de fund. patrimonial. manifestum ex vtriusque comparatione. Nam ANASTASIVS in ea Lege: iubemus, inquit, omnes, qui in quacunque dioecesi, vel quacunque provincia, vel quolibet saltu, vel ciuitate fundos patrimoniales vel templorum, aut aganotetici, seu reuelatorum iugorum vel cuiuscunque iuris per quadraginta iugiter annos ex quocunque TITULO, vel SINE TITULO hactenus possederunt, vel postea per quadraginta annorum spatium possederint. cet.*

### §. XVI.

## XVI.

*Tertia ex Eustathio.*

Iam aliud certamen imminet cum EVSTATHIO. Is in libello περί χρονικῶν διαστημάτων, quem CUIACIUS T. I. Operum, quae viuis de iure fecit, et edi voluit, edidit, p. m. 339. capite περί χρόνων μ. §. 5. et 6. ἡ τῶν σεπτῶν ὁκίων εἴτια ἦς μέμνηται β' α. τῷ κωδ. τ' β'. δ' κγ'. μ' εἴτια ἐστὶ σήμερον. ἔχουσι δὲ καὶ τὸς λ' χρόνος καὶ τὸς κ' καὶ ι. καὶ τρεῖς κ' α. ὡς νεαρὰ εἰλὰ. τῶν δὲ βασιλικῶν β' ε. τ' γ. κεφ. γ. Ἀντὶ τῶν δέκα καὶ κ' καὶ λ' εἰτῶν ἡ μ' εἴτια μόνον ἀντικείμεται τοῖς σεβασμίοις ὁκίοις, ὡς νεαρὰ εἰλ. γ. τῶν δὲ βασιλικῶν β' ε. τ' γ. κεφ. γ. Dicit igitur hodie venerabilibus locis propter Nouellam CXI. et CXXXI. solam praescriptionem XI. annorum, pro Centenaria, opponi. Quo quid nobis magis aduersarium esse potest? At Graecus fuit, de Graecis et Orientalibus Ecclesiis loquitur, e iure BASILICORVM, ad quorum Lib. IV. tit. III. c. 3. prouocat. Itaque praeesse iis nullo modo potest, qui cum Ecclesia Romana de Centum annorum praescriptione interdicto, aut vindiciis contendunt. Immo vero ex eodem EVSTATHIO telum non infirmum, aut fragile contra aduersarios possum depro-mere. Nam quod supra ostendi, praescriptionem Centum annorum, quae nominatim in actionibus Ecclesiae Romanae constituta esset, nominatim eandem debuisse eidem abrogari: id EVSTATHIVS non obscure confirmat. Scribit enim p. m. 311. capite περί χρόνων ε'. §. 2. quae ad redemptionem captiuorum relinquantur, praescriptione Centum annorum excludi, secundum Leg. 23. C. de SS. Eccl. propterea quod ea, hac in causa, per Nou. CXI. non sit nominatim sublata. Auctorem suae sententiae praeterea nominat THEODORVM. Verba eius ad-scribam: τὰ εἰς ἀνιέρρουσιν αἰχμαλώτων τῇ ἑκατονταετία ἀπο-κλείονται, ὡς β' α τῷ κωδ. τ' β'. δ' κγ'. τῷτο εἰς μὲν τὰ βα-σιλικὰ εἰ κεῖται. Φησὶ δὲ ὁ Θεόδωρος ἐν ἑκατοσῇ ἐνδεκατη νεαροῦ, εἴτι μέχρι νῦν κρατεῖ. τὸ δὲ τρίτον κεφ. τῷ γ' τ'. τῷ ε' β'. τῶν βασιλικῶν δηλοῖ, ὅτι ἀνηρέθη. Verba THEO-DORI, in CXI. Nouella, quam EVSTATHIVS laudat, repe-riuntur in Graeca Nouellarum Editione H. Scrimgeri apud H. Stephan. Paris. 1558. fol. p. m. 278. obseruante etiam CUIACIO



*Obf. V.* ὅσα ἀγωγὴ, inquit, πρὸς ἡμᾶς σептῶ οἶκῳ, εἴτε πρωτοπικῇ εἴτε ὑποθηκαρίᾳ ἐστὶν, ἢ ὑπερβαίνει τὰ τεσσαράκοντα εἴτη τῶν ἀμφοτέρων ἐκάστῳ τοιάτῳ ἐναγεῖ εἰκὼ προσκαίρων παραγραφῶν, φυλαττασῶν μέντοι εἰς αἰκίᾳς χρόνους. ἐνθα δὲ Φησὶν, ἑκατὸν ἔτεσι μόνοις φθείρεσθαι τὰς ἀνηκέστας τοιάτοις σептῶς τίποις ἀγωγᾶς, ὁμοίως καὶ τὰς ἐπὶ τοῖς ἐαθεῖσιν εἰς λύτρωσιν αἰχμαλώτων. πλὴν σημαίνει, ὅτι ἡ προκειμένη ἐκ ἐμνηστεύσε τῶν ἐπὶ αἰχμαλωσίαν ἐαθέντων ἀγωγῶν. ὥς ἐν νομίζω, ὅτι μέχρι τῆ νῦν μόνῃ τῇ ἑκατονταετίᾳ καὶ ἔτι τῇ τεσσαράκονταετίᾳ φθείρεται.

## §. XVII.

*Dubitatio eorum, qui Nouellam Nonam, pro spuria habent.*

Cum vero sint, qui NOVELLAM IX. spuriam esse, suppositiciamque existiment, eaque re beneficium Centum annorum ab Ecclesia iniuria vsurpari contendunt, quod ipsi numquam fuerit concessum: in qua sententia inprimis est WISSENBACHIVS: breuiter minuenda et haec opinio est. In quo quidem non erit multis rationibus pugnandum. Cum enim IULIANVS Antecessor *Epitome Nouellarum*, loco supra laudato, eam Nouellam disertis verbis explicet: necesse est, eam tum extitisse, ab eoque pro genuina agnitam esse.

## §. XVIII.

*Dubitatio ex iure Canonico refellitur.*

Restabat, vt refelleremus ea, quae ex ipso Iure Canonico <sup>aa)</sup> contradici, quadam veritatis specie, possunt, quae ratio est et a RITTERSHVSIO *Exposit. Method. Nouell. Pars. XI. cap. 1. p. 667.* contra nostram sententiam prolata. Sed, cum is locus, quo utitur RITTERSHVSIVS inprimis, vt indicat inscriptio, sit *epistola Gregorii M. de controuersia inter monasterium S. Theodori et Rom. ecclesiam de finibus, ad Petrum*

aa) v. c. 2. *canf. XVI. qu. 4.*

*Petrum Subdiaconum*, data in *Siciliam*: quae ex nostra sententia, quam supra tradidimus, ad Romanam Ecclesiam pertinet: facile vnusquisque intelligit, etiam nobis non monentibus, istam auctoritatem Gregorianam nostrae rei, rationique nihil aduersari. At ais, Gregorius M. addit: *etiamsi quid sanctae Romanae Ecclesiae competere potuit*. Audio. Quid porro? Gregorius M. adeo agnoscit praescriptionem quadraginta annorum in Ecclesia Romana. Neque hoc nego. Sed aliter ex priuilegii Iustiniani ratione non poterat Gregorius. Monasterium Panormitanum, de cuius possessione quaestio erat, et controuersia, *religiosa domus* erat, eaque in Occidente: adeoque etiamsi quid aduersuseam Ecclesiae Romanae competere posset, tamen Centum annorum praescriptionis usus non erat, propterea quod iure communi, aduersus se inuicem vtuntur, qui eodem sunt priuilegio ornati, seu vt loquuntur vulgo, *priuilegiatus contra aequae priuilegiatum priuilegio suo non vitur*. Atque ita facillimo negotio dissolutam esse arbitror dubitationem, rationemque eam, qua ex Iure Canonico siue vtuntur aduersus nos, siue vti possunt. Et haec tamen erat grauissima. Itaque reliqua, quae ex eodem fonte manant, longe citius ac facilius auerti, exsiccarique poterunt. Sed hos minutos riuulos non attinet, confectari diutius: et prohibet temporis, locique penuria. Forte, Deo volente, de Praescriptione Centum annorum ex Iure Canonico agendi diligentius, dabitur occasio. Cumque adeo, quantum temporis ratio permittere, et propositi necessitas postulare videretur, demonstratum sit, e Iure Iustiniano Praescriptionem Centum annorum in actionibus Ecclesiae Romanae adhuc validam esse: finem disputationi meae imponam. Quam si aequi, intelligentesque existimatores comprobasse intelligam, impense gaudebo.



V I R O

ILLVSTRI MAGNIFICO SVMME REVERENDO  
CONSULTISSIMOQVE

CAROLO OTTONI  
RECHENBERGIO

IVRE CONSVLTO PRIMARIO  
SERENISS. AC POTENTISS. REGI  
POLON. ELECTORI SAXON. A CONSILIIS  
AVLAE ET IVSTITIAE SVPREMAE CVRIAЕ  
PROVINCIALIS LIPSIENSIS ADSESSORI PRIMARIO  
ECCLESIAE CATHEDRALIS MARTISBVRGENSIS CAPI-  
TVLARI COLLEGII S. SIXTI PRAEPOSITO DECRETALIVM  
IN ACADEMIA LIPSIENSI PROFESSORI PVBLICO ACADEMIAE  
DECEMVIRO COLLEGII MINORIS PRINCIPVM SODALI  
ET ILLVSTRIS FACVLTATIS IVRIDICAE SPLENDI-  
DISSIMO DECANO ORDINARIO.

PARONO SVMMA PIETATE COLENDO

# THE NEW YORK PUBLIC LIBRARY

ASTEN LENOX TILDEN FOUNDATION

500 FIFTH AVENUE, NEW YORK, N. Y.

1892

1893

1894

1895

1896

1897

1898

1899

1900

1901

1902

**S**iue haec Exercitatio  
Academica ad peritissi-  
mi et intelligentissimi  
iudicis arbitrium defe-  
renda erat; siue Patronus et auctor  
quaerendus; a quo praesidium et de-  
cus mecum ipsa peteret; siue denique  
pietatis meae ratio haberi debebat:  
Tu eras VIR ILLUSTRIS AC  
MAGNIFICE, ad quem illis  
omnibus de causis deferri eam oport-  
eret. Tanta enim Tua est, cum in  
omni et litterarum et Iuris genere,  
tum in hoc ecclesiastico iure, doctri-  
na et elegantia, tanta Tua apud

*omnes auctoritas, tanta denique erga  
me, saepe numero, imprimis autem  
nuper admodum illustri documento  
probata, beneuolentia et humanitas,  
ut neque intelligentiorem elegantio-  
remque iudicem, neque grauiorem  
auctorem labori meo, neque mihi ipsi  
beneuolentiorum liberalioremque Pa-  
tronum deligere et optare potuerim.  
Quare ego neque potui neque debui du-  
bitare hanc Scriptionem ILLVSTRI  
TVO NOMINI inscribere atque con-  
secrare: imprimis cum eam esse Tuam  
facilitatem sciam, ut, quo vultu  
ipsi mihi saepe ad TE aditum dede-  
ris, et beneficia tribueris, eodem,  
hoc*

*hoc est, humanitatis plenissimo, hanc  
meae pietatis et observantiae testem  
ad TE admissurus esse videare. Vti  
vero ingenium meum et mea studia  
omnia TIBI uni omnium vel maxime  
probari cupio: ita nihil potes face-  
re neque ad voluptatem meam vberius  
neque ad boninum de me existimatio-  
nem honorificentius, quam si me  
Tuo Patrocinio, Tuaque beneuo-  
lencia etiam in posterum dignum  
iudicabis.*

*Ita TE Deus, VIR ILLV-  
STRIS ATQVE MAGNIFI-  
CE, PATRONE OPTIME,*

*saluum et incolumem, et omnibus bonis, omnique prosperitatis genere florentissimum seruet diutissime, TIBI, litteris, Iurisprudentiae, reipublicae*

ILLVSTRI NOMINI TVO

ADDICTVS

IO. AVGVSTVS BACHIVS.



**PROCANCELLARIVS  
D. FERDINAND AVGVST HOMMEL**

**P. P. O. ET FACVLT. IVRID. ASSESSOR**

**LECTORI BENEVOLO**

**D. S.**

**INSIMVLQVE AD ACTVM INAVGVRATIONIS**

**SOLLEMNE**

**CANDIDATI DIGNISSIMI**

**DN. IOHANNIS AVGVSTI BACHII**

**ARTIVM MAGISTRI**

**AD. D. VIII. KAL. OCTOBR. ANNI HVIVS CIOIOCCCL.**

**PVBlice CELEBRANDVM**

**ACADEMIAE PROCERES AC CIVES**

**DECENTER INVITAT.**





**V**t pro more in Academiis hæcenus recepto  
Praeclarissimum Dominum Candidatum no-  
strum commendem, de honestissimis natali-  
bus eius, de studiorum cursu et vita laudabiliter huc-  
usque acta, quaedam praemitto.

Natus is est anno aerae Christianae **MDCCXXII**  
d. XV. Kal. Iunii, Hohendorffii, qui est vicus Conuentus  
Mifnici, patre Ioanne Bachio, Artium Magistro, gregis  
Christianorum ibi tum Pastore, ante hunc annum beate  
fatis functo; matre Anna Dorothea Schumannia, Ioan-  
nis Schumanni, Pastoris Custriciensis filia, matrona omni-  
bus sexus sui virtutibus ornatissima, adhuc viua. Prima  
tum Christianae tum omnis Graecarum Latinarumque  
litterarum doctrinae rudimenta domi posuit, auctore et  
magistro ipso optimo patre. Dehinc annos XII. natus,  
Lipsiam in scholam Thomanam delatus, et Amplissimi  
Senatus Urbici beneficio alumnus factus, magistrorum  
eruditissimorum, Winckleri, Krigelii, Dresigii, Ernesti-  
que Rectoris, institutione et doctrina fidelissima, in  
omni litterarum elegantiorum ambitu, per septem annos  
profecit: toto eo tempore beneuolentia et amplissimis  
beneficiis, Ernesti Rectoris celeberrimi in primis, orna-  
tus et adiutus: qui cum amore propemodum paterno et-  
iam postea omni tempore profecutus est: id, quod pio  
gratissimoque animo lubens meritoque agnoscit, profi-  
tetur, semperque agnoscet et profitebitur. Eo tempo-  
re, quo in schola Thomana versabatur, cum Chalcogra-  
phiae memoria saecularis celebraretur, iussu Patronorum  
scripsit Carmen Graecum et Latinum in Chalcogra-

phiam. Anno **CICIDCCXL**. Gottschedio Rectore tum temporis Magnifico adscriptus albo ciuium Academico-  
 rum anno sequente, cum scholae carmine Latino valedi-  
 xisset, in Academiam venit: In qua vsus est doctoribus,  
 in philosophia quidem vniuersa, historia, elegantioribus  
 litteris, scribendi differendique exercitationibus, Ernesto,  
 in historia Europaea, ac litteraria, Ioechero, in poetarum  
 interpretatione Christio, in Mathesi, Baermanno. Iuris  
 autem vniuersi doctores habuit in Institutionibus quidem  
 Iustinianis, Bauerum atque Gottfridum Mascouium, Vi-  
 ros celeberrimos, et me quoque: in Pandectis, contro-  
 uersisque Iuris Cin. capitibus disceptandis, eundem  
 Mascouium: in Iure Publico Io. Iac. Mascouium, Feuste-  
 lium, Cramerum: in Iure Feudali Bauerum, in doctrina  
 ordinis iudicarii Saxonici, iurisprudentiaeque formula-  
 riae, Sigelium: quorum omnium benevolentiam et merita  
 gratissimi animi memoria prosequitur. Altero statim  
 curriculum Academici anno Stiglii, Consulis huius Urbis  
 grauiissimi ac meritissimi qui potentissimo Regi nostro a  
 consiliis belli sanctioribus est, domum receptus, filii natu  
 maioris, nunc Iuris Doctoris consultiissimi et senatoris  
 contubernio et studiorum societate vsus est: quo tem-  
 pore Viri Illustris quam benevolentiam perspexerat, sum-  
 ma animi lactitia gratus recordatur. Postea L. B. ab Ho-  
 henthal, nunc Capitanei Conuentus Electoralis, studiis  
 comes ac socius adiunctus est, et multis beneficiis adse-  
 ctus. Tandem etiam Perillustris et Generosissimus Do-  
 minus ab Arnimb Comes Regis Cubicularius, ipsi filium,  
 suum egregiae indolis adolescentem tradidit, cuius studii  
 prac-

praeesset. Sed cum specimina etiam publice profectuum edenda essent, primum A. CIOIOCCXLIV. praeside Christiano Wilhelmo Küstnero, artium tunc Magistro, nunc senatore et consistorii adfessore, dissertationem *de modo appellandorum regum apud veteres Romanos*, post paullo dissertationem *de plumbatarum usu*, praeside Car. Gothofredo Wincklero, Artium tunc itidem Magistro, nunc Iuris Doctore et causarum patrono peritissimo, defendit. A. CIOIOCCXLV. summis in philosophia honoribus ab Ordine philosophorum amplissimo ornatus, edita disputatione *pro Mysteriis Eleusiniis*, et in auditorio philosophorum defensa, scholas aperuit, quibus Aca-  
demicae iuventuti artem latine scribendi disserendique, historiam Iuris antiquitatesque traderet, et auctores tum Graecos tum Latinos in hisque etiam textum institutionum Iustinianearum, interpretaretur. Vt autem de studiorum suorum ratione etiam eruditis constaret, edidit, praeter complura carmina Latina, praeterque multas librorum novorum censuras variis eruditorum diariis insertas, *Divum Traianum* siue *de Legibus Traiani Imperatoris eruditissimum commentarium*, nec non *Xenophontis Oeconomicum*, *Apologiam Socratis*, *Symposium*, *Hieronem*, *Agésilauum*, Graece suis animaduersionibus illustratos. Camque tandem videretur satis temporis impensum esse in iis rebus addiscendis, quibus Iuris Civilis et scientia et inprimis interpretatio innititur, aut adiuuatur: petiit mense praeterito ab ordine nostro aditum ad summos in vtroque iure honores. Honestissimis hisce desideriis cum refragari fas haud esset, initio ad consuetum pro pri-

ma laurea tentamen, et deinceps ad examen quoque rigorosum quod vocant, fuit admissus, quod vtrunque cum laude ita subiit, vt, cui dignitas Doctoris in vtroque iure conferatur, dignissimus ab ordine fuerit iudicatus. Restat vt publica quoque specimina pro more in Academia nostra recepto exhibeat. Facturus id est proximo die Mercurii hora pomerid. II. qua *L. 13. C. Quod cum eo qui in alien. potest. est negotium gestum esse* dicetur lectione cursoria in auditorio nostro Petrino interpretaturus est, quo ipso vberimus de diuersitate peculiorum tum filiorum familias tum seruorum, differendi ipsi aperietur campus. Notae sunt de varietate peculiorum et ad quam classem hoc vel illud referendum sit, Ictorum controuersiae, in specie de lustrica pecunia, ad quod peculii genus referri debeat, disceptatur, sane quot peculiorum species, tot etiam circa quaestionem istam Doctorum opiniones. Sunt qui ad peculium ~~castrense~~ pecuniam lustricam referunt, verum militia ista spiritualis contra satanam, mundum et carnem in baptismo suscepta non indiget stipendiis. Alii igitur potius peculio profectio dona baptismalia, accensenda esse statuunt, quia, licet non a patre ipso, sed extraneo veniant, dentur tamen intuitu patris, et ita quasi ex re eius profecta videantur. Equidem non tantum quod ex re patris venit, sed etiam quod ex patris occasione profectum, peculium profectitium est, vt dicitur in §. 1. *I. per quas person. cuiq. acquir.* At textus iste accipiendus tantum de casu, si quis donaturus non fuisset nisi contemplatione patris, et meritis paternis motus,

et

et sic patri donaturus filio dedit, qui casus proponitur in *L. 5. §. 2. D. de iure dot.* pecunia autem lustrica non vnice intuitu patris datur, quia hoc quoque mortuo offertur, ac infanti mox post actum baptismi in ecclesia absente patre apponitur, eoque ipso intentio donantium significatur, quae praeterea in ipsa schedula quoque qua mediante munusculum illud offertur, exprimi solet, et verosimile magis esse dicitur id quod filio relinquitur, contemplatione potius huius quam patris relinqui in *L. 17. C. de Vsfufructu.* Nisi forte dixeris in compensationem conuiuii baptismalis munuscula ista offerri, et sic parentibus magis quam liberis dari, si igitur his a parentibus permittantur, instar peculii profectitii esse. Enimvero contrarium euicit B. BOEHMER, et pecuniam lustricam non offerri in compensationem symposii, nec ex intentione donantium parentibus, sed liberis acquiri, probauit in *Iur. Eccles. Protestant. Lib. VII. Tit. 42. §. 45.* accedit quod munera patrinorum offerantur in memoriam baptismi, non administrandi causa, ad quod tamen profectitium vnice datur, utpote quod ideo conceditur, ut frugalitati studere discant filii et adsuescant administrationi rerum suarum, reclamat denique praxis forensis, quotiescunque enim concursus creditorum aduersus patrem obaeratum excitatur, liberi quando munuscula susceptorum suorum petunt, si quidem adhuc in natura exstant, extra concursum ante omnes creditores iure dominii ea consequuntur, si vero a patre alienata, in classe conueniente locantur. Rectius igitur munera patrinorum referuntur ad peculium aduentitium, sed ad quodnam?

## VIII

nam? multi irregulare esse contendunt, in quo patri nihil iuris competit, sed sine sufficiente ratione, in dubio enim pro regula potius statuendum est, quam pro exceptione, et quicquid filius non ex eius, cuius in potestate est, substantia, sed ex aliis quibuscumque causis accipit, peculium aduentitium ordinarium est, patrique ususfructus, nisi is, a quo res profectae sunt, aliam conditionem expresserit, relinquitur, per *L. 6. C. de Bon. quae lib.* Equidem ad irregulare pertinent quae relictae sunt liberis sub conditione, ne patri ususfructus obueniat, per *Nouell. 117. c. 1. in princ. et Auth. Excipitur. C. de Bon. quae lib.* ex quo coniiciunt nonnulli, quod cum pecunia lustrica detur in recordationem baptismi, aut ne deponant neophytarum memoriam patrinorum, praesumant esse donantium voluntatem ne in munusculo hoc patri competat ususfructus. Verum inter haec duo nulla necessaria pugna est, potest aliquid dari in memoriam baptismi et susceptorum, et tamen patri in eo competere ususfructus, in dubio igitur, et ubi conditio non est expressa, donatio pro pura habetur, ad peculium igitur aduentitium ordinarium munus baptismale pertinere et usumfructum in eo parenti competere veritati magis duco esse consentaneum; idque citra distinctionem quam faciunt alii, utrum solius patris intuitu hoc munus datum, an non, vid. B. BOEHMER *cit. loc. §. 46.* utrum munus oblatum solitum sit et vulgare, an vero insigne seu inconsuetum, quam distinctionem facit LAVTERBACH in *Collegio Pandect.* ad *Tit. de Peculio §. 32.* MENCKE in *Theoria et Praxi Pandect. Tit. eod. §. 12.* An ergo nummos quoque rariores liberis



liberis in baptismo oblatos permutare et in usus suos con-  
 uertere poterit pater? negant hoc nonnulli, etiam ex his  
 ipsis, qui pecuniam lustricam peculio aduentitio regulari  
 alias annumerant, sed contrarium verius, siquidem non  
 tantum in *L. 8. §. 5. C. de Bon. quae lib. mobilium rerum*  
 alienatio patri permittitur, sed etiam pecuniae ceterarum-  
 que rerum fungibilium ea natura est, ut seruatae usum  
 praestare non possint, adeoque earum tantum quasi sit  
 usufructus, in quo proprietates transit ad usufructuarium,  
 et res finito usufructu non restituitur in specie, sed in ge-  
 nere vel eius aestimatio *L. 5. §. 1. L. 6. 7. D. de usufruct.*  
*ear. rer. quae usu consum.* solet quidem a dissentientibus  
 adduci, quod repugnare id videatur menti eorum, qui  
 munuscula ista obtulerunt, quippe qui id fecisse praesu-  
 mantur pro conseruanda sui memoria, enimvero sicuti  
 memoria ista etiam in surrogato conseruari potest, ita alie-  
 nationem ex nullo patrinorum non esse penitus interdi-  
 ctam, intelligitur exin, quia alias ne ipsis quidem bapti-  
 zatis, postquam sui iuris facti, esset permissa, quod tamen  
 verosimile non est. Praemissis quaestionibus de pecunia  
 lustrica a plerisque aliis iam excitatis iungere liceat no-  
 uam, haecenus a Doctoribus nondum discussam, an scil.  
 pater donum baptismale a compatrinis oblatum recusare  
 pro lubitu possit, vel potius si id fecerit, liberis teneatur  
 ad interesse? Pro posteriori sententia facere videtur, quod  
 patria potestas eo usque se non extendat, ut pater bona fi-  
 lii aduentitia administrans perdere ea et donare possit, fi-  
 lio potius hoc modo alienata reuocare integrum est non  
 obstante vlla praescriptione, nisi tricennali, a tempore so-  
 lutae Patriae Potestatis computanda. *L. 1. et Auth. nisi*

*iricem. C. de Bon. Matern. L. 1. C. de annal. praescript. de WERNH. Sel. Obseru. Forens. Lib. III. Obseru. 35. no. 1. 2. ita vt non tantum de bonis iam tum acquisitis nihil dimittere possit, sed ne lucro quidem sperato nondumque percepto renuntiare valeat. 1 D. P. IV. Obseru. 32. aut conditionem liberorum facto suo reddere deteriore, L. 7. C. de Iure Dot. Cum in potestate parentum non sit iura sua liberis auferre, vel imminuere. L. fin. C. de Bon. quae lib. MEV. P. V. Dec. 67. n. 12. BALD. ad L. fin. C. unde Lib. Sed distinguendum hic esse censeo inter lucrum certum seu radicatum, v. c. si feudum obueniatur, aut haereditas sit delata, id quod pater vtique in praeiudicium liberorum recusare non potest, et inter lucrum quod ex libera voluntate offertur, et ad quod petendum nullum ius liberis, nulla ad dandum obligatio offerentis. De casu priori saltim accipiendae sunt memoratae leges, posteriori e contra filio ius non esse factum patris impugnare, sed huic integrum potius donum filio oblatum quocumque modo repudiare nullus dubito, idque non tantum eo casu, si filius postmodum haeres patris existit, et donum, quod a patrinis oblatum pater recusauerat, a cohaereditibus tanquam debitum paternum petit, verum etiam si pater in viuis adhuc, aut mortuus quidem, sed obaeratus et filius ab eius haereditate abstineat. Potissimum cum in incerto plerumque sit quantitas illius muneris et lucri a patre repudiati, aut quantum oblaturi fuissent patrinus, si pater munera non recusasset, integrum enim erat susceptoribus velint aliquid donare an non, multum offerre an parum. Cum igitur lucrum interceptum incertae aestimationis sit, illud a patre liberos petere non posse, vtique*

A 1

vtique existimo, erat etenim in pōtestate patris homines egenos et omnino mendicos patrilos denominare, qui nihil omnino offerre poterant, nec tamen propterea ius competeat liberis eum conueniendi quod non optauerit opulentiores, quamobrem et integrum ipsi erit, diuites quidem eligere, sed cum protestatione, ne offerant consueta alias munuscula. Obueniebat eiusmodi casus ante aliquot annos Facultati Iuridicae Lipsiensi in causa coram Concilio Academiae nostrae ventilata. Nimirum mortua vxore D. L. S. T. relicto marito et filio vnico, viduus ad secunda vota transierat, filio igitur dabatur tutor, qui cum patre liquidum constitueret, ratione bonorum maternorum, ceterorumque aduentitiorum. Hic inter alia quoque desiderabat munera baptismalia, quae pater pro more nostrorum temporum acceptare renuerat, atque vt propter hoc lucrum facto patris amissum filio satisfaceret, vrgebat, actis igitur ad sopiendam litem transmissis Mense Martio 1740. Ordo noster sequentem in modum pronuntiavit: *Daß zwar D. J. S. T. dem mit seinem erstern Eheweibe erzeugten Sohne das Puthengeld, wenn dergleichen vorhanden, zu überlassen pflichtig, daſerue er aber keines angenommen hätte, an ſtatt deſelben etwas gewiſſes davor auszumachen, nicht verbunden.* B. R. W. Ceterum an liberis ratione pecuniae lustricae in bonis parentum competat tacita hypotheca, de quo vid. B. BOEHMER in *Iur. Eccles. Prozeß. L. III. T. 42. §. 47.* THOMAS. *diff. de hypothec. tac. propter pecun. lustric. §. 6.* HARPRECHT in *Scrutin. XVIII. hypothec. tacit. dub. §. 14.* DE LEYSER *Spec. CLXVI. Medis. 2. 3.* LAVTERB. *ad Tit. Dig. in*

quibus caus. pign. vel hypothec. tacit. n. 57. et differt. de  
Tacito pignore th. 39. Concluf. Forens. Exercit. 27. §. 16.  
Colleg. Pandect. ad tit. de Peculio. §. 32. TITIVS in Iure  
Priuat. Lib. III. Tit. 17. §. 4. hanc controuersiam cum  
similibus aliis, quae circa praesentem materiam a Docto-  
ribus moueri solent in praesentiarum praetermitto, et re-  
deo potius e diuerticulo in quod L. 13. C. Quod cum eo  
qui in alien. pot. est, neg. gest. esse dicetur. quam lectione  
cursoria interpretaturus est Praeclarissimus Dominus Can-  
didatus noster me abduxerat. Nimirum finitis his prae-  
lectionibus demum die proximo Iouis horis consuetis in  
eodem acroaterio dissertationem de Praescriptione centum  
annorum in actionibus Ecclesiae Romanae de iure Ciuili,  
Dominus M. BACHIVS sine praeside tuebitur. Qui-  
bus laboribus superatis Vir Excellentissimus et Consultis-  
simus Dominus D. Dietricus Gotthardus Eckard, Facul-  
tatis Iuridicae Assessor, collega noster honoratissimus, cui  
promotoris partes a me ad hunc actum constituto Pro-  
cancellario delegatae sunt, iura, priuilegia et praerogati-  
uas quae Doctoribus nostris comperunt, excepto tamen  
suffragio et sessione in Facultate nostra, publice die eod. ho-  
ra XI. conferet. Huic igitur actui, vt RECTOR ACADE-  
MIAE MAGNIFICVS, Comites Illustrissimi, vtriusque  
Reipublicae proceres, praesentia sua splendorem afferre,  
nec non Generosissimi et Nobilissimi iurisprudentiae cul-  
tores, vt et reliqui Academiae nostrae hospites frequentes  
interesse non dedignentur, perofficiose ac decenter rogo.  
Publicatum die Dominic. XVII. p. Trin. An. MDCCCL.

---

L I P S I A E  
EX OFFICINA LANGENHEMIANA.

4211471781